

## INVITAZIUN

alla radunanza communal digl cumegn da Surses da  
**glindesde, igls 24 da zarcladour 2019, allas 20.00**  
an sala da cumegn Grava a Savognin

### **Abilitad da votar an fatgs communal (art. 7 constituziun communal)**

Abels da votar èn tottas persungas tgi on cumplania igl 18avel onn da naschienscha.

Exclus digl dretg da votar e dad eliger èn persungas tgi èn sot curatella cumplessiva perveia dad inabilitad da giuditgier permanenta u tgi vignan represchentadas dad en mandatari.

### **Dretg da votar a Surses (art. 8 constituziun communal)**

Igl dretg da votar an fatgs communal on igls burghes svizzers domiciliats aint igl cumegn scu er las persungas digl exteriour, tgi disponan d'ena lubientscha da domicil C, abiteschan ed èn annunztiats sainza interrupziun an total aglmanc 5 onns aint igl cumegn da Surses. Igl taimp da domicil aint igls anteriours cumegns digl Surses vign er chinto.

### **Agiuntas**

- Glista da tractandas
- Messadi
- Resumaziun digl rendachint 2018

Tinizong, igls 7 da zarcladour 2019

**SUPRATANZA COMUNALA SURSES**

## **Radunanza communal Surses digls 24 da zarcladour 2019**

### **Tractandas**

01. Bavagnaint ed elecziun digls dombravouschs
02. Rendachint 2018
  - a) Preschentaziun e discussiun
  - b) Approvaziun
03. Approvaziun dalla revisiun parziala dalla planisaziun locala «Plazza da sport La Nars» a Savognin
  - a) Preschentaziun e discussiun
  - b) Approvaziun
04. Vendita dall'antieriura tgesa communal a Marmorera, parcella nr. 12043, an possess digl cumegn da Surses
  - a) Preschentaziun e discussiun
  - b) Approvaziun
05. Dumonda dalla Thomann Landmaschinen Metallbau SA, cun sedia a Cunter, da cumprar ena surfatscha da taragn da 3'200 m<sup>2</sup> ainten la zona d'industrieia «Punt» a Cunter, giu da parcella nr. 5048, an possess digl cumegn da Surses
  - a) Preschentaziun e discussiun
  - b) Approvaziun
06. Project d'investiziun «Equipaziun zona d'industrieia Punt a Cunter»: dumonda per credit d'impegn da fr. 490'000.00
  - a) Preschentaziun e discussiun
  - b) Approvaziun
07. Diversas infurmaziuns
08. Varia

### **Aveis**

Igl protocol dalla radunanza communal digls 27 da matg vign exponia digls 14 da zarcladour anfignen igls 15 da fanadour 2019 per invista an cazleia communal. Ultra da chegl vign igl protocol er telecargea sen la pagina d'internet digl cumegn. Durantchel termin d'exposiziun da 30 deis pon neir inoltradas protestas cunter igl protocol. Cunchegl tg'igl termin vo sur igl termin dalla radunanza communal convocada or, vignan eventualas protestas tractadas pir a caschung d'en'otra radunanza communal.

### **Actas dalla radunanza communal**

Las actas tar tractandas nr. 2 e nr. 3 pon neir retratgas an canzleia u neir cargedas giu dalla pagina d'internet [www.surses.ch](http://www.surses.ch).